

至胡乃瑪莊，轉至沙雅縣城休息。沙雅西部即渭干河西岸之古址調查，至此遂告一段落。

### (三) 庫車、沙雅東部之古址

十月七日，余等由沙雅返回庫車。在庫車略事休息，即準備考查庫車、沙雅東部諸古迹。

1. 沙雅東部之古址 十月十六日正午，由庫車出發，初向南偏東行，過庫車城上河。本地名曰沁色依，亦即「城上河」之義，爲銅廠河西流之支水。轉東南行，又過鄂根河，爲一新河，自庫木土拉渭干河分出東流，經長興巴雜之北，土尤包第之西，轉東南流入沙烏勒克草湖。水大時可至愛墨提草湖。下午六時半抵哈拉斯堂住。十七日繼續前進，向東南行，過博斯堂巴雜，直至哈拉黑炭巴雜。因由哈拉黑炭巴雜至沙烏勒克草湖中間古址甚多，故我以此地爲中心向各方調查。茲將所已調查者，依次述之：

(1) 阿克沁 十八日余單騎往訪巴雜西阿克沁舊城。城牆爲土坯所砌，高約一·三米，周圍約一二三米，略作方形，不及一里。城中無遺物可驗。轉東行，通過一小沙磧，至一古地，稍有紅陶片，在其旁沙磧中，露出紅泥灘一線，類似一乾河床，自西北向東南，宛然如帶。詢之本地人，稱是渭干河故道。據說此乾河自千佛洞出山口後，經庫木土拉之北，東經阿拉哈莊入戈壁，東流於亮果爾莊之西，長興巴雜之東；復東南流，經哈拉黑炭之西；轉東南流，過窮沁之北；折東北流，至愛墨提草湖。初本有水，後經農民打壩橫截，逼水南流，故此河遂涸。復由此乾河出發，繞哈拉黑炭之南，東行抵可洛克沁。據說昔時尚有舊城遺址，現已無形。有一土堆，已掘爲塘，無遺物可驗。

(2) 托卜沁舊城 十九日繼續考查巴雜東北之古址。初向東北行，後轉北行，過一乾河川，河床頗寬，與沙雅北之渭干河相似。河岸胡桐樹駢列成行。此乾河據說自哈拉黑炭西之乾河分出，東流經托卜沁之南，巴雜之北，東至愛墨提草湖。一說直至羅布淖爾。渡乾河後，復北行，亦爲湖灘，紅柳叢生。十時抵托卜沁舊城。城牆已毀，祇餘城基，形略圓，中窪如釜形，空無一物，周約二百三十四米。此城位於湖灘中，四周皆鹹地，面呈硬殼。蓋此一帶均爲渭干河下流，地勢低平，水大時每溢爲湖澤，水涸復蒸發而成鹹地也。

(3) 英業一帶舊城 十九日下午，全隊由哈拉黑炭出發。東南行至英業，住獵戶阿西木家中。彼知道古地甚多。二十日由阿西木引導，考查英業東南之古址。初向東行，復轉東南行，遠望有一乾河川在道南，即哈拉黑炭西面之乾河。至此轉東行直至草湖，與現渭干河匯入塔里木河，現庫車人至羅布淖爾，即行於此乾河之旁也。河寬約百餘步，兩旁胡桐成列，沙窩駢立，中